

湖南考古畧卷四

地部三

水道

湘潭盧峻秀峯
甯鄉成業襄簡青纂

湘水源出廣西桂林府靈川興安二縣界海陽山至湖南東安合蘆洪清溪諸水南流四百餘里至永州零陵西北湘口與瀟水合曰瀟湘江水始大又東北流逕祁陽境受祁水白江清江諸水過常甯受春水吳宜諸水四百餘里至衡陽合蒸水曰蒸湘又北合耒水一百餘里至衡山合洙水又北流受淥涓漣諸水二百餘里至湘潭又北流百餘里受斬江水至長沙又北流受瀏瀉諸水一百四十里至湘陰又北受白水黃水汨羅諸水一百三十里出湘口入洞庭湖蘆洪江源出東安八十四渡山合龍合江西江水至零陵高溪口入湘

湖南考古畧

卷四

地

清溪江源出東安舜峯山合東溪江夏豐江白牙江水入湘

應水源出邵陽歷山東流至零陵入湘

瀟水即營水源出甯遠九疑山南合賢水永水口水沱水三百餘里至零陵之湘口入湘

祁水即泔口水二源皆祁陽一出騰雲嶺一出梅塘山至雙江口合流東過

□山入湘

曰江水有二源皆出甯遠界至兩江口合流又北合零陵黃溪水為三江口入湘

清江水源出七泉龍潭至兩江口合白河江水入湘

春水即茭源河源出甯遠春陵山流逕新田桂陽州界至常甯合歸水入湘

□水源出甯遠徭洞流徑祁陽至常甯界入湘

宜水源出常甯墟出北流受樟水藍江水至縣西合東江水入湘

烝水源出邵陽邪薑山流至衡陽合柿江上潢武水梁江諸水至烝口入湘

耒水源出桂陽縣耒山西北流會壽江屋嶺諸水至豐溪會漚江水過滌口

西北會資興水至程江口合程水又西北至郴江口合郴水過森口入耒陽

合潯江水馬水肥水至耒口入湘

洑水源出酃縣桃花澗西南流合泰和山河漠渡雲秋山諸水至茶陵南界

會顏江水又東會洑江水繞城東北合茶水西北流徑攸縣界合攸水流至

衡山雷家埠入湘

淥水有一源一出江西萍鄉安陵山一出瀏陽界白沙溪里醴陵雙江口合

流又西合北江姜嶺二水至淥口入湘

涓水源出衡山祝融峰之虎跑泉會衡山陰諸泉爲白果河流徑湘潭會書

石碧泉諸水至易俗鄉入湘

漣水源田邵陽之龍山流至湘鄉受藍田珍漣鴨橋荷葉市諸水繞縣城受

堯塘水至湘潭界合石潭雲湖二水入湘

斬水卽瓦宮口水源出湘鄉萬載塘徑甯鄉麻山東北流至善化劍江口入

湘

瀏水二源俱出瀏陽六圍山流至縣東合流會濟川水徑縣南又西南流左

會渭水右會淮水名瀏渭河至長沙駱駝嘴入湘

瀉水源出甯鄉大瀉山流逕縣西右會五堂江水徑孟子山右會乾江烏紅

二水流徑縣東爲玉潭江又東北流左會紫溪右會平江入長沙界會羅改水至靖港入湘

陵子口水卽資水支流自沅江瓦石磯分派逕益陽縣西東流至陵子口入湘

白水源出湘陰白鶴山北流徑同含口□密巖玉池等水又西會神鼎山水徑縣城南會西湖水入湘

黃水源出湘陰黃陵山北流逕二妃廟至黃陵口入湘

汨水源出江西建昌界西至湘陰玉笥山會玉水又西徑羅國故城爲汨羅水西流入湘

沅水源出貴州平越州合丹江廳黎平府台拱廳清江廳天柱縣等水西流七

百餘里入湖南會同界至沅州□陽合郎江水無水洪江水巫水又北流三百餘里至辰州辰谿合淑水辰水又北流一百餘里至瀘溪合武水又東北流一百餘里至沅陵合酉水又東北歷桃源武陵龍陽合漸水三百餘里至沅江西南沅口與湘水合流入洞庭湖

郎江水一名朗溪源出貴州錦屏縣之湖耳山歷朗波浪洞等處東北納長潭文溪□水又東北納渠河水北流至黔陽之托口入沅

無水一曰澠水亦曰舞水源出貴州黃平州歷施秉縣鎮遠府思州府五屏縣西北流入湖南晃州廳徑沅州芷江納五□溪楊溪豐溪諸水北流至黔陽之無口入沅

洪江水一名熊溪源出綏甯滙諸溪水爲時竹水北溪徑會同界至黔陽入

沅

坐水源出城步巫山分二派東由武岡入資西流納背界扶城二水西北入綏□界至會同合洪江水入沅

澗水一名序水源出武岡頓家山名龍灣溪流徑澗浦受龍潭溪柳溪桃溪來溪諸水西徑大澗至入辰谿江口入沅

辰水一名辰溪源出貴州銅仁東南流入湖南徑鳳凰麻陽界又東北流入辰谿受洞水溪□溪等水西南入沅

武水卽武溪一名盧水源出瀘溪武山納潭溪河溪鎮溪小河諸水南流至武口入沅

酉水卽西溪一名北河源出四川秀山縣西陽山南流入湖南徑永綏龍山

保靖永順諸縣界□蠟竹江更始水納溪靈□榔溪諸水流入沅陵界會明

溪會溪小西山水至酉口入沅

麻溪源出澗浦穿雲峰西北流入沅

藍溪源出沅陵白霧洞西北流逕縣南入沅

容溪卽東溪源出沅陵茗山西北逕縣東入沅

漸水亦名鼎水源出武陵梁山合潛水流逕龍陽東北至鼎口入沅

枉水源出武陵金霞山東北流逕善德山入沅

大敷溪源出沅陵安陽山南流徑桃源入沅

鄒溪源出桃源水田村南流徑縣東入沅

延溪源出桃源高崖山東南流入沅

資水源出靖州綏甯縣唐糾山東北流入武岡界逕黃茅山至高沙市合濟水
洞口水又東南逕□陽山入邵陽至邵陵浦口合覓水夫夷水又東流逕府城
北繞至城東北合邵水又北合石馬江水徑石門山東北入新化界合求溪珂
溪等水徑崇陽山繞縣城東北合橫溪水入安化界合敷溪善溪等水入益陽
界合泥溪水桃花江益水誌溪諸水東徑縣城白鹿山三台湘北流入沅江界
出資口入洞庭湖

濟水源出城步縣角山東流合威溪水入資

洞口水發源猺洞合諸小溪水至武岡城東南入資

覓水源出邵陽覓水洞東南流至邵浦口入資

夫夷水源出廣西全州寶鼎山北流百餘里過新化武岡境合長湖三渡諸

水至邵陽邵浦口入資

邵水源出邵陽之龍山合桐檀二江水至相公潭入資

石馬江源出望雲山至歷山牛□潭入資

求溪出新化潮源洞東北流至石槽山入資

珂溪源出新化維山東流入資

敷溪一名伊水源出安化黃柏界山合沈香溪梅子溪崖溪仙溪諸水入資

泥溪源出安化浮泥山徑四里河至益陽界入資

桃花江源出益陽梓梁崖徑浮邱山北流入資

益水出益陽益山東北流入資

澧水源出桑植縣歷山□縣東過舊臨澧零陽故界東南流會茹溪水又東徑

大庸所受溫泉大庸諸水至今永定南受仙人諸溪水徑鴛鴦浦入慈利界受九渡水徑觀嘉渚與澗水會又束繞至縣北受遺筆零英諸溪水過東陽山爲界溪河入石門界徑三江口會澗水又流繞縣南爲零陽河至澧州合道沔諸水徑安鄉界與澹水會又東流受景港羌口詔河水逕華容界共七百餘□至澧口入洞庭湖

茹水出慈利龍茹山徑舊臨澧零陽界入澧昔人以姑溫□□黃涇澹道並澧爲九澧

溫泉水其源有三一出義鎮砦之南一出鼎澧界湯口□一出龍湫潭之兆冬□沸通其熱如湯□流注于澧

仙人溪今永定洽南對□大庸溪今安福西北流注澧

九渡水出慧利九渡山徑仙人樓下北流注于澧

澗水源出湖北鶴峯州入九溪衛合九溪水至慈利西入澧名澗澧

零溪源出□利馮家源北流入澧

遺筆溪源出秀峯山西北流入澧

英溪在慈利東又東有桂捧溪茶陵溪皆北流入澧

黃水出慈利黃石山東北流至石門界合□水入澧

澗水出安福龍門山東南流會熱水溪又東至石門合陽泉南溪水又東合黃水入澧名澗澧

道水源出慈利五雷山由石門白楊湖出官渡橋歷安福兩岔河及裴家馬家等河至澧州北關下山道口入澧

涔水源出澧州西北潭龍山名龍洞水一支由龍神潭一支由石馬堰合流而東會黃溪水又東爲涔河至州東名涔澧入澧
澹水出石門尖峯山至澧州西與團潭水合徑安福楊潭河至州城北折而東名後河過澧陽橋與內河水會由澹津灣至伍公嘴入澧名□澧
景港河源出湖北公安四水口分流至安鄉界靈石湖南逕丈田村東又右會東田湖水而南爲景港渡分二流一西南流爲中澨港又南爲南澨港而南入于澧其東一支過華容界亦入于澧
羌口河自本州界分澧水流入安鄉界仍流入澧